



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ირაგა



ირაგა

ირაგა (*Anthemis*), მცენარეთა გვარი რთულყვავილოვანთა ოჯახისა. მრავალწლოვანი ან ერთწლოვანი ბალახები, ზოგჯერ ბუჩქბალახებია. 150-ზე მეტი სახეობა გავრცელებულია ევრაზიასა და ჩრდ. აფრიკაში, კავკასიაში 50-მდე სახეობა იზრდება, საქართველოში – 19, აქედან 7 საქართველოს ენდემია – ქართული ი. (*A. iberica*), ზიგიური ი. (*A. zyghia*), ემილიას ი. (*A. emiliae*), მსხვილენიანი ი. (*A. macroglossa*), საგურამოს ი. (*A. saguramica*), შავი ზღვის ი. (*A. maris-nigri*), შიშკინის ი. (*A. schischkiniana*).

სახეობათა უმრავლესობა გავრცელებულია სუბალპური და ალპური სარტყლის კლდეებსა და ნაზვავებზე, ნაწილი – ნახევრად უდაბნოებში, უდაბნოებში, ველებზე, ტყისპირებზე, რუდერალურ ადგილებზე. ზოგი სახეობა ნათესების სარეველაა, ზოგი – დეკორატიული.

გ. ნახუცრიშვილი

ლ. ხინთიბიძე
